

詠史二首

梁驍菲 (在讀生)

一、憶謝公

爭棋賭墅萬軍平，
道子一言黃鉞輕。
若料浮雲終蔽日，
東山留醉待天清。

註：爭棋賭墅：典出《晉書·謝安傳》，謂淝水之戰前，謝玄派張玄前去請示謝安，「安遂命駕出山墅，親朋畢集，方與玄圍棋賭別墅……玄等既破墅，有驛書至，安方對客圍棋，看書既竟，便攝放床上，了無喜色，棋如故。」

道子：即孝武帝同母弟司馬道子，任用小人向孝武帝進讒言詆毀謝安。

黃鉞：一種儀仗，以黃金為飾的斧，帝王賜予征伐有功的大臣，以顯示其威望。淝水之戰獲勝後，謝安「進拜太保」，又「加黃鉞」。

東山：謝安早年隱居在此與名士遊山玩水。

二、說王導

太息平生負伯仁，
奏章竟比往情真。
不知狂傲非良友，
怎向幽冥把恨申。

註：王導與周顛（周伯仁）之間的故事，可見《晉書·周顛傳》。「周顛，王導甚重之，嘗枕顛膝而指其腹曰：『卿此中何所有也？』答曰：『此中空洞無物，然足容卿輩數百人。』導亦不以為忤。又於導座傲然嘯詠，導云：『卿欲希嵇、阮耶？』顛曰：『何敢近舍明公，遠希嵇、阮！』……初，敦之舉兵也，劉隗勸帝盡除諸王，司空導率群從詣闕請罪，值顛將入，導呼顛謂曰：『伯仁，以百口累卿！』顛直入不顧。既見帝，言導忠誠，申救甚至，帝納其言。顛喜飲酒，致醉而出。導猶在門，又呼顛。顛不與言，顧左右曰：『今年殺諸賊奴，取金印如斗大繫肘。』既出，又上表明導，言甚切至。導不知救己，而甚銜之。敦既得志，問導曰：『周顛、戴若思南北之望，當登三司，無所疑也。』導不答。又曰：『若不三司，便應令僕邪？』又不答。敦曰：『若不爾，正當誅爾。』導又無言。導後料檢中書故事，見顛表救己，殷勤款至。導執表流涕，悲不自勝，告其諸子曰：『吾雖不殺伯仁，伯仁由我而死。幽冥之中，負此良友！』」